

COMUNU DE SCALEPRANU

Provìntzia de Sud Sardigna

Ufitziu de su Sìndigu

Bia Sindaco G. Carta n. 18 - 09051 Tel. 07095410 400 - Mobile 3204339103
sindaco@comune.escalaplano.ca.it – protocollo@pec.comune.escalaplano.ca.it

Prot. n. 6623 de su 02/11/2020

ORDINÀNTZIA DE SU SÌNDIGU N. 10 DE SU 02/11/2020

**OGETU: ATIVATZIONI DE SU TZENTRU OPERATIVU
COMUNALI PO SA GESTIONI DE S'EMERGÈNTZIA COVID-19.**

SU SÌNDIGU

BIU su D.Lgs 2 de gennàrgiu 2018 n. 1, chi donat a su sìndigu s' autoridadi comunali de protetzioni tzivili, e ca issu depit, in situatzioni de emergèntzia, criari su Servìtziu Comunali de Protetzioni Tzivili, dotendiddu de mezus, de risorsas finantziàrias e de personali e da ativari una struttura operativa locali nomenada C.O.C. (Tzentru Operativu Comunali) afidada a issu e totu, po sa diretzioni e su coordinamentu de is servìtzius de suncursu e de assistèntzia a sa popolatzioni;

BIU ca, pustis sa decraratzioni de emergèntzia de sanidadi pùbblica a livellu internatzionali po mori de su COVID-19 de su 30.01.2020 de s'Organizatzioni Mondiali de sa Sanidadi (OMS), su Consillu de is Ministrus at deliberadu, su 31.01.2020, su stadu de emergèntzia natzionali, po ses mesis, po s'arriscu sanitàriu acapiadu a s'infetzioni e s'est ativadu su Comitadu Operativu, presièdiu de su Presidenti de su Cunsillu de is Ministrus e sceberadu su Capu de su Dipartimentu Natzionali de Protetzioni Tzivili comenti de commissàriu straordinàriu chi depit coordinari is interventus pretzisius po fari fronti a s'emergèntzia in su territòriu natzionali;

BIUS:

- su D.L. 30 de argiolas 2020 n. 83 cun “Misuras pretzisas acapiadas cun sa scadèntzia de sa decraratzioni de emergèntzia epidemiològica de COVID 19 deliberada su 31 de gennàrgiu 2020” chi at stesiadu sa decraratzioni de emergèntzia a su 15 de su mesi de ladàmini 2020;
- su D.L. 7 de ladàmini 2020 n. 125 cun “Misuras pretzisas acapiadas cun sa pròroga de sa decraratzioni de su stadu de emergèntzia epidemiològica de COVID 19 e po sa stesiadura operativa de su sistema de allerta COVID e po s’atuatzioni de sa direttiva (UE) 2020/739 de su 3 de làmpadas 2020”, chi stèsiat sa decraratzioni de emergèntzia a su 31 de gennàrgiu 2021;

BIAS, in prus:

- is misuras operativas de protetzioni tzivili po sa gestioni de s’emergèntzia epidemiològica de Covid-19 de su Dipartimentu de Protetzioni Tzivili de sa Presidèntzia de su Cunsillu de is Ministrus de su 4 de martzu 2020;
- is misuras operativas de protetzioni tzivili po fari fronti a s’emergèntzia de COVID-19 in su territòriu de sa Regioni Sardigna alliongiadas a sa deliberatzioni de G.R. n. 13/25 de su 17.03.2020;

DONADU AUTU ca custu Comunu tenit unu Pianu de Emergèntzia de Protetzioni Tzivili, aprovadu cun Deliberatzioni de su Consillu Comunali n. 19 de su 23.07.2013;

ACRARADU ca su 02.11.2020, mancai ancora abetendi una comunicatzioni uffiziali de parti de s’ATS, a su sotoscritu est stètiu informadu de su diretu interessadu de una persona positiva a su COVID-19 in su Comunu de Scalepranu;

POSTU IN CUNSIDERU de su cambiamentu de sa situatzioni epidemiològica, su caratiri malu de s’epidemia e s’aumentu de is casus in su territòriu regionali e natzionali;

BIUS:

- sa comunicatzioni de s' ANCI Sardigna, prot. 263 de su 19.03.2020, chi donat su protocollo de Ativatzioni de su COC po s'emergèntzia in autu e chi arremonat s'ativatzioni de su C.O.C./C.O.I. po s'emergèntzia Covid-19, sia chi si scoberit sa positividadi de unu tzitadinu, sia chi si scoberit sa positividadi de unu tzitadinu de una bidda acanta;
- sa nota de su Dipartimentu de sa Protetzioni Tzivili prot. COVID/0010656 de su 03.03.2020 cun "Misuras operativas de protetzioni tzivili chi pertocant "sa definitzioni de sa cadena de cumandu e averiguamentu de is comunicatzionis e de is proceduras de ativari po s'emergèntzia de sa spratzinadura de su virus COVID 19";

BIU ca est pretzisu, po cantu stèrridu, ativari, fintzes a norma de cantu prevèdiu de su Pianu de Protetzioni Tzivili in vigori, su C.O.C. (Tzentru Operativu Comunali) po coordinari totus is stividadis pretzisas a gherrari contras sa spratzinadura de su cuntàgiu e fari fronti a s'emergèntzia arremonada;

BIU s'art. 50, corriedda 5, de su D.Lgs 18 de austu 2000 n. 267, "Testu ùnicu de is leis asuba de s'ordinamentu de is Entis Localis" e s'ghientis càmbius e integratzionis;

Acraradu e postu in cusideru cantu stèrridu,

PRETZETAT

1. De ativari, po is arrexonis postas in sa stèrrida, su Tzèntru Operativu Comunali (C.O.C.), de sa dì de oi, finas a s'acabu de s'emergèntzia, po pòdiri assigurari in su territòriu de Scalepranu sa diretzioni e su coordinamentu de is servìtzius po prevènniri e assistiri sa popolatzioni e sa gestioni de sa situatzioni;
2. de pònniri sa sedi de su C.O.C. in sa sedi de su Comune in bia Sindaco Giovanni Carta n. 18;

3. de ativari duncas is funtzionis de agiudu a s'emergèntzia de su C.O.C. e de sceberari comenti de referentis responsàbilis custas personas:

FUNZIONIS	REFERENTI	SOSTITUTUS
Sìndigu	Lampis Marco	Lai Alessandro Zedda Filippo Andrea
Funtzioni de suportu 1	Mura Marco	Congiu Angelo Mario
Funtzioni de suportu 2	Prasciolu Giancarlo	Mura Marco
Funtzioni de suportu 3	Mereu Giovanni Luigi	Dessì Donatella Medda Massimo

DISPONIT

1. chi is Referentis de is funtzionis de Suportu postus in sus s' ant a dèpiri ativari, ònniunu po sa cumpetèntzia sua, po aprontari totus cussas atzionis pretzisas po gestiri s'emergèntzia e assigurari su acàpiu informativu de livellu provintziali e regionali;
2. ca is atividadis de coordinamentu faint capu a su Sìndigu peri is Referentis de su C.O.C. e de su Presìdiu Operativu Locali (P.O.L.);
3. ca su Tzentru Operativu Comunali (C.O.C.), po s' aprontamentu de is funtzionis prevìdias de sa normativa in vigori in matèria de Protetzioni Tzivili, po pòdiri evitari is cuntatus personalis o mantènniri sceti cussus pretziskus, is raportus intra is componentis de su Tzentru Operativu Comunali depint èssiri fatus sceti in bia telemàtica e/o po telèfunu, candu s' ant a dèpiri fari riunionis;
4. ca custu autu depit èssiri postu in sa piataforma web de protetzioni Tzivili "ZeroGis";

FAIT SCIRI

- ca su Responsàbili de su Procedimentu Amministrativu po custu provedimentu est su Dot. Medda Massimo;
- ca ònnia interessadu podit presentari documentus scritus contras custu provedimentu a norma de sa normativa in vigori in matèria de procedimentu amministrativu;
- ca is autus de custu procedimentu si podint agatari in s'Ufitziu de su Responsàbili de su Procedimentu;

FAIT SCIRI, in prus

ca contras custu provedimentu podit èssiri fatu:

- ricursu amministrativu a su Prefetu de Nuoru intra de 30 dis de sa publicatzioni in s'Albu Pretòriu, a norma de su D.P.R. 24 de donniasantu 1971, n. 1199;
- ricursu a su Tribunali Amministrativu de sa Regioni Sardigna intra de 60 dis de sa notìfica, a norma de sa L. 6 de su mesi de idas 1971, n. 1034, desinuncas ricursu straordinàriu a su Presidenti de sa Repùbblica, intra 120 dis de sa notìfica, a norma de su D.P.R. 24 de donniasantu 1971, n. 1199;
-

e DISPONIT

Ca custa ordinàntzia:

- siat publicada in s'Albu Pretòriu on line de su Comunu de Scalepranu;
 - siat notificada peri PEC:
- a su Prefetu de Nuoru (protocollo.prefnu@pec.interno.it);

- a s' ATS Sàrdigna (protocollo.generale@pec.atssardegna.it);
- a sa Protetzioni Tzivili Regionali (pres.protezione.civile@pec.regione.sardegna.it);
- a s' Assessoradu Regionali de sa Sanidadi (san.dgsan@pec.regione.sardegna.it);
- a is Comunas de:
 - o Ballao (protocolloballao@servizipostacert.it);
 - o Stersili (amministrativo@pec.comune.esterzili.ca.it);
 - o Goni (protocollo.goni@servizipostacert.it);
 - o Arroli (segreteria.orroli@pec.it);
 - o Perdasdefogu (protocollo@pec.comunediperdasdefogu.com);
 - o Seui (protocollo.seui@pec.comunas.it);
 - o Biddeputzu (protocollo@pec.comune.villaputzu.ca.it);
- a sa Statzioni locali de is Carabineris (tnu21802@pec.carabinieri.it);
- a sa Statzioni locali de su Corpus Forestali e de Vigilàntzia ambientali (sfescalaplano@pec.cfva.it);
- a sa Politzia Locali de s' Unioni de is Comunas de Gerrei (protocollounionecomunigerrei@pec.it).

Scalepranu, 2 de su mesi de donniasuntu 2020

SU SÌNDIGU

Marco Lampis

